

A Monthly Christian Magazine


AN ORGAN OF THE ZOU PRESBYTERIAN CHURCH SYNOD



Khristian Tangkou

Vol. 53 | No. 4

April, 2017



Editor: Rev. Stephen Chinzathang

Synod Kumpuon: “Ga ding a tel ihi” (John. 15:16)

Kchristian Tangkou

Vol. No. 53 || Issue No. 4 || April, 2017

Editorial Board

Editor	:	Rev. Stephen Chinzathang - 9863042789 ct_stephen@yahoo.com
Joint Editor	:	Rev. Khamchinkhai - 8730933744
Cir. Manager	:	Upa Jamsianmung - 9862086615 sianmung@rediffmail.com
Bus. Manager	:	Kamgenpau - 8974612937 Sye T. Ginzahau - 8974438842
Cont. Editors	:	Upa S. K. Khama - 9856406454 Rev. Awnkhankhup - 9862828921 Rev. M. G. Nehlien - 09535042257 Rev. Kaimuanlal - 9862923960

ZOU SYNOD ULIENTE

- **Moderator:**
Rev. Mangsuanthang
- **Moderator Elect:**
Rev. Awnkhankhup
- **Secretary (Sr):**
Upa Sianzahau
- **Secretary (Jr):**
Upa Thangchinmang
- **Treasurer:**
Upa Chinsuanthang
- **Statistician:**
Upa S. Nangkhanlal
- **Executive Secretaries:**
Rev. Stephen Chinzathang
Rev. Khamchinkhai

Copies - 1100

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

A sung thu

- Editorial 01
- Thu tuomtuom 02
- Website Training Reports 04
- Vanarasi Mission Report 07
- A kingiemkhet leng Jesu 09
- Phum in a umta a 13
- Tate kung a thuvaihah 16
- Jesu thawkiana alul dan 18
- Hattuom Khuttawi Bu 21
- ZPWF Column 22

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Editorial

Pasian hoina leh mapuina i tang tou zel ua, i theilou kaal un April haa tan dam a hing mapuitu A vanglien Mangpa min phat leh pahtawi kawm in Ama thupina i pemasa uhi. Khumban ah Hattuom china Ama nna i sepkhawmpite kung ah lungdamthu igen masa uhi. Pasian nna i sepna pen hunta chimawh thei ahisih a, chimtah huoita chimawh thei zong ahisih a ,i pienkhet apat haankhuh tan ding ahi tabou hi. Tamteng ahiman in Pasian nna isepnate ah hunpeisate nua etkia in panlatha kia chiet vaui. Tuabanah year Planner a umsa bangin ni poimaw thum bang inei uhi. Palm Sunday, Good Friday leh Easter Sunday te ahi. Tam ni poimaw i neite pen a zang leh mang chiet dingin i kingen uhi. Mangpa'n Ama Hattuomte tahsa leh hagau ah i lampeina chin ahing mapui zingta hen.....! Amen.

.....

Thu tuomtuom leh Thumpi dingte



01. I pawlpi itna toh Khristian Tangkou deithaw huoitah mai ana simtute zousie, article hatenga hing contribute sah tute leh ang phuongvuosahtute Patron memberste leh Life membership hina anatangstate leh khochin Agent mawpuohna nna hing sepsah tute kung ah lungdam thu i gen uhi. Tualeh tukum Minute a i mu bang un tang fee pan deficit ihi theikawm April, 2017 sung a Agent ten hing khawm a Head Office a hing submit kin dingin ikingen uhi.
02. Zou Laisienghou kihong zouta: Hun sawtpi Haai bang ingah la mama uh Zou Laisienghou apeisa 15th March 2017 niin ZPCS Office ah Pasian kungah honna leh latna Rt. Rev. Hangminthang Bishop MELC in nei hi. Koizong advance booking bawlsate leh a leinuomten eima pawlpi Head Office chiet ah ngaiven kin dingin iki theisah uhi. Aleitu mai hilou in asimtu hi sawm chiet vaui.
03. ZPWF Biennial Khawmpi kizang zouta: A peisa March 17-19, 2017 sung dai in Presbyterian Central Church ah a (7) veina Session Khawmpi lawching tah leh khela pum pum in kizang zouta. Mihing genthei chetlou Pasian hagau pawlna tang in Biehinn dawl lou zen in kilaam dim hi. Thupi: "Mangpa Pasian

aw kei koi ka hiei?" (I Khangthute 17:16). Pasian hoina leh mapuina kilam en in kumkia 2018 pen ahileh tuivai District Behiangjang ah Revival hun a zah dingin phasah uhi. Kum 2019 Biennial Khawmpu pen Presbyterian Church Zomi Colony a zah ding in phasah uhi. Bangkim Pasian khut ah aum a, thumnatoh thei tontung va ui.

04. Zou Synod year Planner umsa bang in. April haa sung a Hattuom ni poimawte anuomthei bang leh aloh thei bangalocal chin ah nazang chiet ding in i kingen sawnsawn uhi. Nipoimawte:

1) Palm Sunday	- April 09, 2017
2) Good Friday	- April 14, 2017
3) Easter Sunday	- April 16, 2017
 05. A peisa March 22nd 2017 niin Presbyterian Church Tuibuang (MGP) ten Mangpa'n a Hattuom uh kum 25 Silver Jubilee (1992-2017) meelmu theia a puitung na Pasian kung a lungdam thugenna leh ahun chiemtena in Suongphu Honna toh nei uhi. Thupi: "Miel nei a touten vaah thupitah amuta uh" (Isai 9:2). Jubilee suong hongtu: Rev. Awnkhankhup Biel Pastor, Souvenir hongtu : Rev. Mansuanthang Moderator (ZPCS) leh Jubilee Message: Rev. Stephen Chinzathang Senior Executive Secretary (ZPCS).
 06. I pawlpi huop a Hattuom chin a member umten thei ding poimaw mama khat Pasian zatatna pekawm in Biehna kikhop hileh Devotion hileh Biekhkhamna mun khat poupou ah thumna kinei lai in lut leh pot chinglou dingin ikingen hi. Tambang chindan pen Pasian zatatlouna NAM khat ahi.
-

WEBSITE TRAINING & LAUNCHING REPORT

February 15-28, 2017

Resoucre Persons : Rev. Jim Moore & Mr. Aaron Joseph
Coordinator : Rev. Helen Singsit
Synod website : www.zousynod.org
Daily Timing : 08:30am to 05:30pm
Ei Zou Synod apat : Upa Jamsianmung leh
Nh. Niangsuannuam

Amasa in damna hing pie a tam bang hun hoi leh manpha zang a report pe thei a ka um zieh un i Mangpa Pasian tung ah lungdam thu ka tut masa ua, tualeh Synod lamkaite deisahna tang a i Synod a ding Website bawl thei ahina ah amaute tung ah zong ka lung uh a dam mama hi.

Synod Website bawlna a hun zah dan tomkim report tam anei a bang in ka hing tahlang uhi.

1. February 14, 2017 a kipat in Imphal tan Winger in ka tuong ua, Imphal apat in Guwahati tan Indigo Lenna ah tuong in 01:00pm in ka tung uhi. Tuana pat in Shillong tan Taxi in ka tuong ua, mi khat ah Rs. 500 pie in nitah 3:00pm vel in Shillong ka tung uhi.
2. February 15, 2017 (Wednesday) 12:30pm vel in ka zilna ding mun uh NEHU ka zuon ua, tuanah ka lawite uh tamtah zong na tungta uhi.

3. Tam February 15, 2017 ni 05:00pm in Introtuction (Kipulahnna) hun ka zang ua, tam Website Training ding a hing peite tam anei bang ahi:

Tribe	Organisation	Mi
Lamkang	Lamkang	02
Nishi	Nishi	02
Zou	Zou Synod	02
Lushai	Tuithaphai Presbytery	01
Singsit	Singsit Organisation	01
Khasi	Laban Presbyterian Church	02
Kuki	Kuki Worship Service	01
Tani/Tagi	Tani Mission	02
Adi	Adi Baptist Union	02
STPWD	Society for Promoting of Tribal Wel. & Dev.	02
Antioch	Antioch School	01
Buni	Buni	02

4. Nichin hun man dan ahileh Jingmawng 08:30am apat Class kipan in nitah 05:30pm tan a kila a, Class kilah zou a innmai i pawtleh khuo a mielta hi.
5. Tam mun a hing telte ahileh ataangpi in azil mai hilou in Website kibawl zou chieng a zong enkoltu ding ahizieh un Office a semte ahilouleh amauten a zah den thei dingte uh ahi ua, Private hitheilou in Hattuom min ahilouleh Organisation min khat tei ahi a ngai hi.
6. Neh-le-tah leh giehna ahileh a nuom mama a, NEHU Campus sung ah ICSSR Guest House ah nuomtah in kigieh in ann-le-tui zong a tui theitawp ahing pie uhi.

7. Tam Website Training saitku Kalaam Media kichin England gam a pansa-te ahi ua, Rev. Helien Singsit saina toh Kalaam Media apat ahing hil ding in USA apat mi khat leh Philipines (Manila) apat mi khat hing kuon in lungniengtah mai in ahing hil ua, i thei masang lungnemtah in ahing hil uhi.
 8. Kou Training laitah in zong Thailand ah mi 500 val bang training a pie ua, India a kou training bawlna ah zong April vel ah Group khat Training kia ding uh ahi.
 9. Kalaam Media-ten ahing zilsah mai uh hilou in i Website uh ahing etkaipi zing ding ua, fee umlou in athawn in ahing kolsah ding uhi.
 10. Tuachin Pasian lungsietna leh Hattuomte thumpina toh February 28, 2017 (Tuesday) in Website Bawl zou sieng in a hakhetna (launching) ahing neisah ua, tuami hun apat in Internet ah et thei in ahing umta hi.
 11. February 28, 2017 a zou sieng in NEHU apat ka pawtkhie ua, March 01, 2017 a hing kipan in Bus a hing tuong in Marh 02, 2017 in damtah in Lamka ka hing tungta uhi. Tambang a hing puitu Mangpa Pasian in thupina tang tahan.
 12. Shillong ka um sung uh February 26, 2017 (Pasianni) sun in ka ni un Shillong i Hattuomte kung ah Biehinn ka vakai ua, Pastorpa toh kithuo in Mangpa Annsieng ka immkhawm uhi. Nitah thugenna zong ahing na pie uhi.
 13. Synod website = **www.zousynod.org** ah tu apat in Synod thu-le-laa bangkim koi ahita a, a kimlou umte zong belap tou zel ahiding hi.
-

VARANASI MISSION REPORT

- Rev. Retd. H. Nengzatun

- Varanasi khopi U.P. apan laithon By Rev. Retd. H. Nengzatun. Missionary Pastor. Hagau mittui tamtah senga Pasian masanga khupdinna thu kanget khompiHattuom mipite zousia I Mangpa Jesu min in chibai kahingbu masa hi. Hattuom mipite asun azan zingmawng chin in tan nga lou in ka hing thumpi zing in kahing ngai theiin a diehin Chrismas laibang lunghel um in hattuom te lengkhom la hingnasah piehding in kang chial hi.
- Aw leh kum langbang Bospuri nam te lah ah Missionary Pastor na sepna tamlou kahing kum nuom hi. Varanasi Mission pen kum 2004 22nd April ha in Bospuri te Kelbu khat aphiet sieng uhin khumna kikhopnan amang uhin khumkhu tu leh tua ka-upna uh kstesar mun ahi km15. khopi pansa ahi. Baptisma tangmasapen Mr Shymnarayn ahi. Tunitanna baptismal tang 1&62 velbang ahita hi. Mangpan thupina tang hen. Ka-up apatin mi 31vel baptismal leh 15 vei Mangpa annsieng kahawmta hi. Semututeng aunin Mizo.23 Bospuri(native) agam mi 35 vel bang ahi. Kiginni chin in ann ngawla thumna kinei in Bible simna umin sharing kineiin thumkhawmnan hun akimang hi. Kal khat sungin nili tholeni apat ziltopni Hattuom mite inn vevna missionary te mi thum leh li bang kipol in house, Church visit akinei hi. Kholni chin Sacrament hawm ahi. Ken mun li katang hin. Khuleh camp, crusade, counciling training aki habawl a Damlou sudamna kikhop chang gai seva kolhamin akichi hin damna tang jong atamta hi. Kholni nitahlang nai li nai nga tuomvela Mizo teng biah kikhopna akineijel hi. Mun gup a kholni chin Mangpa

annsieng aki hawm thei hi. Boad committee a kipua in Aizawl Singa venga office regular tahin akineihin mi gup in Executive Secretary Rev. K. Lalthankhuma etkolna in Office bearer mi giet Chairman REV. L.B. Pachuau Secretary Dr. Lalhmingthang leh Field Director Rev. S. Lalkhuma leh Executive committee 103 adviser mi ni leh working committee mi 15 ahi. Kumcin khawmpи nivei akineijel hin nipi chieng Aizawl a tuoma June 9-11 Mission vengthlang Aizawl phalbi chi a Vanarasi Nov ha umjel Aizawl pan mi zavalbang ahungjel uhi. Inn building ni Mahespur Varanisi akhat asong nuoi tapen biehin atung songthumna quarter. Katesar tuleh tua kei upna aneitapen biehinn amin Jesu kilahna(Isu prakasan) anachi uhi. Khuleh Maruti van khat motor cycle thum leh cycle sawm tobang akinei hi.

- Theitua sil lamdang bideute thumtan hing tahlang nalai vang. A khatna in Najabosti venga tesepi khat kunga Jesu leh Mari ten ava ve uhi. Anina Milianta khat naupang Nikhil a sisan cancer doctor chinteng sudamjou nawnlou veilor tanpha a etsah uh pen Varanasi compound apualut uh Pi. Sangteii ten a thumsah uleh Pasian nasepna hing tungin khum naupang pen adama tun college akaita hin anaupang a innkuwan un baptismal tangin gingtu hoitah ahi toujel uhi. A thumna dingin nupa nau neitheikei lou zawng thumna jalin nau hoitah aneita uhi Mangan thupina tang hen la. Biehin chi tobang amin set kikhopna ding lumnading in Rs. 50,500 (sing nga sang nga) alut hin mimal kiphal leh Hattuom min in lamsah thei ahi. Mimal kiphalna Missionary nasepna ahi Bospuri hamin Bible Thuhun tha anei ua, Holy Bible a nei zou naisih uhi. Ka Baptisma bolnate leh ka thu gen na leh agam mite limla kahing thontel ahi. Mangpa'n simtute jousie guol hingjawl hen.....

.....

Sermons:

A KINGIEMKHIET LEENG JESU

Text: Mak 11: 1-10

-*Pro. Pastor Khupsianlal*

1.Thupatna:

Jerusalem alut masangin Mangpa Jesu khun anuazuite mini sawl in akung uah, “Na mai zawn ua khuo ah vapei unlen, na lut tah chien un, sabiltung nou kikhi, atunga koima tuon ngailouna khat na mu ding ua, tuakhu hing sut unlen hing kai un. Tualeh mi koi ahiei in na kung ua, bang dinga na sut uh ahiei? ahing chi leh ‘Mangpa’n atulmaw hi,’ tammun ah ahing koi kia pai na ding hi,” chi un achi hi. ‘Mangpa’n atulmaw hi’ chia nuazuite’n aneitute adawngding dan uh hil hi. Mangpa Jesu genbangin nuazuite’n vabawl ua, apoimaw zilin tuabangma in dawnna pie in sabiltung nou koima tuonkhah nailou hing kai in atungah apuonte uh apha ua, tualeh Mangpa Jesu khu atungah atuong ta hi. Jerusalem alut tah in mi tampi in apuonte uh lampi ah apha ua, adangten zong gamlah a sawlbawhte satin lampi ah pha in, tuachi’n amailam a peite leh anua lam a zuiten “Hosanna! Mangpa min a hingpei ahampha hi!...Tungnung pen ah, Hosanna,” chiin akikou uhi.

2.Leeng Jesu Khu:

Israel mite khun Mangpa Jesu khu tam khovel a leeng/king bangin ana lamet in ana thei uhi. Tuaziehin Mang Jesu Leeng ahina khu khovel leengte bang ding leh agalte uapat amauta hunkhetu hiding in ana ngaituo uhi. I Mangpa Jesu Jerusalem

a alut masang kum 150 masang lai akhun Simon Maccabaeus kichi khu Jerusalem a Israel gal/enemies te azawziehin thupi tah in ana lut a, mipite’n tumnate pha leh awngaitah a kikou in ‘Mangpa min a hingpei ahampha hi’ ana chi uhi. Mangpa Jesu leh Simon Maccabaeus ban ah leeng

dangte kikhietna bang ahidie? Simon Maccabaeus khun agalte khu galkap thahatna leh thagum-thatang toh ana zou hi. Hinanleh Mang Jesu khun koima mudalou, gal bangma satlou, koima thatlou nanleh thupitah in Jerusalem lut hi. Mangpa Jesu khu mihing anuoi/million a simte lungsim luodim tu Leeng umsun khu ahi. Bang chidan a tambang a mizousie itna ana muthei adiei?

3. Itna leh Kingiemkhieta Leeng Mang Jesu:

Mathiu 26: 52 a Mangpa Jesu manding a ahing kuon lai un ama umpite khat in anamsau adokhkie a, siempulien suohpa bil asatkhet pieh hi. Tuanah Mang Jesu'n, "Na namsau apai ah siet kia in, namsau pan poumate namsau ma a shiding ahizieh in," chi hi. Khovel a leeng leh lalte khu saipi/elephant ahiei sakol/horses te ah tuongin agalte uh dou uhi, nanleh Mangpa Jesu khu sabiltung tungah tuong in guolzoutu Leengpa hiveve hi.

I Mangpa Jesu hinkhuo akhun 'sabiltung' khun poimawna liensi nei hi. Mangpa Jesu lei a

ahingpien lai in gan annkuong kiim lah a ganhon te lah a sabiltung zong ana umngei tham ding hi. Zecharia 9: 9-10 gen bangin Mang Jesu'n ashiding kuon mama in zong Jerusalem alut nading in sabiltung ngen kia hi. "Aw Zion tanu nasatah in nuom in, Jerusalem tanu aw ngaitah in kikou in, En in na leengpa na kungah ahing pei hi, Ama khu adih a, hundamna zong anei hi; Kingaingiem tah in, sabiltung nou tungah tuongin, sabiltung nou ngei a tuongin ahing pei hi. Ephraim apat sakollengte leh, Jerusalem apat sakolte ka sattan dinga, kidouna thalpite sattan in a um ding hi. Aman namte kungah lemma thu agen dinga, agam tuipi akipat tuipi dong ahi ding a; Tualeh luipi akipat leitung tawp dong ahi ding hi."

Sabiltung khu lemma/muonna, nunne mna leh kingiemkhieta ensah ganta ahi chi'n mite'n thei uhi. Mangpa Jesu ngei khu tuabang a nunne mna leh kingiemkhiet leengpa, kilemtah a hingpei, lemma akidim Pasian Leenggam tungding dinga hing pei khu ahi hi. Tuazieh

in khumbang hiina nei ganta kingiemkhiettaah khu Mangpa'n tulmaw hi.

Tangthu khat akhun i Mangpa Jesu khovel a ahing pien lai in ganta tuomtuomte khu Mang Jesu gei a umding ana ut chiet uhi. Tuanah humpibahnei khun "Khovel vaihawmtu khu kahumbit nuom hi. Akung nai a hingpei pouma kabottel ding hi" chi hi. Agei ua um Vansawlsieng khun "Thu naneituoh seng hi" chi hi. Tuachi'n si-al/fox khun "Nausen Jesu kapanpi nading in ahnou/chiken khat zingkal chin in kagu dinka nawitui humtah ateepthei zing na dingin anu kungah kape zel ding" chi hi. Vansawlsieng khun "Na pilkhel/ cunning seng hi" chisan kia hi. Tuabangzel in ganta/gamsa tuomtuom te'n adeidan uh/ angaidan uh tuomtuom agenchiet ua, nanleh vansawlsieng khun koima thugen lemsahpieh lou hi. Atawpna ah vansawlsiengkhun lou nnasem mikhat toh nnasem a um sabiltung khat mu hi. Khum sabiltung kungah vansawlsieng khun "Nang bang napethei diei?" chi'n dong a, tuanah sabiltung

khun "Bangma bawlpieh thei kanei sih hi! Keipen vuoh leh sat thuothet bep a hinkhuo zang kahi ziehin, vuoh leh sat thuohna ding a umleh ka Mangpa tang a thuoh dingin mansan ka um" chi'n dawng hi. Tuachi'n vansawlsieng khun "Nang khu Mang Jesu panpi theipen ding khu nahi" chi ta hi.

Tami tangthu tungtawn akhun ganta dang tengteng lunggel leh ngaituodan khu khovel mihing nang leh kei lunggel leh ngaituona dan zong ahi hi. Khatvei George Bernard Shaw khu mikhat in "Sabiltung" chi'n han hi. Bernard Shaw khu alunghah sih a, mite'n bangzieh a lungthah lou nahiee chia adoh lai un aman, "Sabiltung in hiina tampi nei hi, nunnemna, nasep kukalna, hiina bangbang a lungkimtheina, vuoh leh sat thuohsah tute lethuh/revenge lounate nei hi; tambang hiina hoitah nei toh ahing kigente leh bangchi'n kalung thah thei diei?" chi'n dawng kichi hi. Mangpa Jesu'n Hagau mangthaite matna dingin sabiltung sese tulmaw nawnlou hi. Nanleh nunnem leh kingiemkhietna hinkhuo zang

mite khu tulmaw zing hi.

Tulai in igam uah/igingtuk hinkhuo zahna uah iMangpa Jesu'n anei nunnemna leh kingiemkhetna hinkhuo khu sil poimaw mama khu ahizing hi. Khum khu Mangpa'n ahinkhuo zahdan ah eite hing zilsah hi. Mangpa Jesu lamzawt khu kingiemkhetna lampi zui khu ahizaw hi. St. Augustine kunga mikhenkhatte'n, "Khrstian te'n athei masat ding ua poimaw bang amah?" chia adoh un aman, "Kingiemkhetna" chi hi. "Anina bang ahidiei?" chi'n dong kia ua, tuanah aman, "Kingiemkhetna" chi kia hi. "Ahileh athumna pen lah?" chia adoh u'leh "Kingiemkhetna" chi'n dawng kia kichi hi. I Mangpa Jesu aki ngiemkhet bang a anuazui gingtute zong ikingiemkhet ding uh ahi hi. Sawltah Paul in zong kingiemkhetna poimaw dan thei in, Khristian ahing kisuo tunglai CE 59 lai vel in, Paul in ama tungtang gen in, "Sawltah kichi

ding in kaching zousih hi," chi hi. Hun peizel ah Paul khu gingtu hinkhuo a pichinna ahingnei tou lai CE 64 lai in, "Misiengthou te lah a neu penpen sangin ka neu zaw hi," chi a, ahinkhuo nualam CE 65 vel akhun, "Mikhielte lah a khielpen khu kahi," chi hi.

4.Thukhumsin:

I Mangpa Jesu khun tuabang a mi kingiemkhet mama te khu azangnuom a, tualeh lamdangta leh thupitah inzong zangzel hi. Eite zong iMangpa adinga zahtah ihi nuom u'leh nunnemna leh kingiemkhetna puonsil/garments te toh ikithuom uh poimaw ding hi. Tuni'n "Mangpa'n ahing tulmaw hi" ichi thei ding uoi? Apuonsilte uh lampi a pha mipite leh achang chienga awngaitah a "Hosanna" chia kikou zel leh achang chienga "Khailia un" chizel mite lah a pansang in, "Mangpa'n ahing tulmaw hi" chizaw thei lei ahoizaw tham hi. Mangpa'n simtute guol hingzawl hen.

PHUM IN A UMTA A

- Rev. Awnkhankhup

Cont. Editor

I Mangpa Jesu phum a a umthu a poimaw seng zieh in Khantanhoi gieltu mi li ten zong a gel chiet ua, Apostol Thugin leh i P.C.I Thuginpi No.5 na ah te a kimu hi. Judate mai hilou in, Khristiante leh Mosolmante zong a kivui/phum zelte ihi ua, ei singtangmite ngiel hou Khristian ihi masang apat kivui chiingte i na hi tabou uhi.

Judate kivuidan ngaina dan in mishi luong khu tuin a sil masa phot ua, tuazou chiengin gimnamtui leh sathau anu zel uhi. Tuachin mishi tahsa khu puon nemin a tuom uhi. Tua puon kawm ah gim namtuite a koizel uhi. Johan geldan in Nikodem in Murrah leh Aloe kigawm kigawm agihdan pound zakhatvel hing tawi in a gen hi (John 19:38-40). Tami sil namtui a hing tawite khu Jesu luong nuna a azah ahingei ding hi. Jesu pienlai in suolam mipil ten nausen pieng kipahpi suhlatna ding in Sana, Begaw leh Murrah te apie uh chi i mu

hi (Mt. 2:11). Sana in Leeng leh Siempu ahidan a hinkhuo leh a nasep in a genchienta a, Murrah pieh ahina in phum a a um ding mipilte zanga Mangpa'n a na puonkholsa khu suhdih in ahing umta hi.

Jesu phum a aumna tungtang ah a nuazui ten zil ding tamtah i nei a, tam bangin en va ui.

- 1. Mishi phum lou khu a namse zel hi:** Rom Sorkal in a kilbeh Judami hiloute khu Kros a pat a lakhkiet ahingai sia, Mulukol leh Gamsate

ading a antuitah ahi zel mai uhi. Tambanga phumlou a mishi luong muot maite ziehin tua Golgotha kichi Lugu mun khu mun namsia leh gimneihuoi mun hi ngei va chi a ngaituo huoi hi.

Tuamabangin tulai in khovel hinkho manna ah gingtute midangte ading a gim namsie leh huothuoi kitam mama dingin a gintathuoi hi. Khristian hoitah a kilang, lasah thugen a zong tui mama, Khrist shina a shisam hi a kigente i kiveltha uh a hun tahi. Ashina koppi napi, phum a aumna i koppi lou chiengin miten namsie hing sa uhi. Tuajiehin khelna phumlou bangbang i neilai uoi chi ki enhien tha va ui.

- 2. Phum i chi thoukia ding a kisahkholna ahi:** Phum a aumna hanmun apat ngei a Mangpa Jesu thawkia thu Vansawltah in tambangin gen hi. “Ama tanah a um nawn sih hi, a gensa bangin Ama a thouta hi. A lupna mun hing

en vawi un”, chi in (Matt. 28:6) Hinkhosiesthou nei a ithawkia theina dingin Adamsuon mihing lui hinna zousie siit nei hetlou in hankhuh ah a lutpi sieng hi. Jesu toh kipumkhatna khu ashina koppi na tan ah tawp mai lou in, Phum a a umna ah zong i kipumkhat zel zaw hi. Mangpa Jesu phum ahina in a shina khu thudihtah ahidan a sulang a, tualeh loupitah a thoukia ding a kisahkholna poimaw tah zong ahi kia hi. Aman ana gen tahsa bang ngei in nthium nua in a thou kia a, a tuomna puonnem a thawkhiet san ahi chi zong imu hi (John 20:7).

- 3. Khelna i phumna ding hankhuh heisung hiding:** Johan in, “En un, Pasian belam nou leitung khelna lamangpa khu” ana chi hi (John 1:29). Pasian belamnou khovel khelna lamang ding pa’n heisung a apeipi ding e? Jerusalem ah maw, Bethlehem ah? Hilou

e, hankhuh ngei ah aki phum mang a i um ding uh. Ahileh hankhuh khu heitah hi ding e? Joseph han mun maw iva suikia ding? Thoukia hinna neita kahi chi zousiete ki enpha tha va ui. Heisung apat e i thawkia uh chi zong theilou ana hi kha va ui. Joseph in Jesu luong hei ah a phum eile? ‘Ama han ah ahi’. Tua ahileh eiten Jesu heisung ah i phum ding uoi? Nang leh ken zong eima lungsim ma ah khovel khelna i phum mang ding ahi zaw hi. Tuabang a eima a um khelnate phummang ahichiengin namsietna umlou thoukia hinna a hing kilang khe dinga, mite a dingin gmtui isuokhe theita ding uhi.

4. Khelna phum mang ding in hangsan angai: Jesu vuitu Joseph, Arimathai khuo a mi khu mihausa tah ahi ban ah

Sanhedrin member a pang phaban ding a gen a, tuachin a vuita hi. Sanhedrin member hi kawm ngal a tuabang a nasem ngam khu phathuoi mama ahi. Kilbeh ding a Juda mipi kikoute thawm sipman nailou a, aluong va ngetmai khu mihangsan nasep ahi i chi lou thei sih ding hi. Thuneitute mitmei ven ding atam hi banglai a, ahansanna phathuoi mama ahi.

Tuajiehin Kalvari tang tan maimai a zuitu hilou in, khelna phum mang ngam na khop a gamla hankhuh tan dong a zuitu ihingam ding ahi. Jesu kildentuten zong Kalvari tang khu atung mun mama dingua, tua mabanga mikhielte tunzelna tan maimai tung ngam Khristian hilou in, khelna phummang ngam khop a hansan leh hankhuh miel paltan ngam Khristian hisawm vaui.

TATE KUNG A THUVAIHAAH

- Nu Mankhanngai, Mualveng

Bawite ka hing teeh chiengin

1. Ka khanlai bangzou nonlou ding kahiman in theisiemna leh thuohzawna thuuh tahtoh hing enkawl gige un.
2. Polteh leh kidahhuoi taha ka neh ka dawn hun chieng in zong hing kidah bawl mai lou in, na neu lai ua polteh leh kidahhuoi a na um ua, ka hing suhsienda, na neh na dawn uh siengthou taha kangna bawlsah laivel hepitahin hing theizing un aw.
3. Ka thu gensate kang viel gengen hun ahing tun chiengin ka thugen lai hing bohtansah mailou in ka gennop tan hing gensah un aw. Thuohzawna toh hing na ngaikhietsah hamham un aw. Na neulai ua zan ihmut kuon chienga chimitah hetlou a, tangthu kang hil hil hunte theizing un aw.
4. Kei leh kei kakisisieng theilou hun leh panpi ka poimaw hun chiengin taimatah in hing panpi un. Na naupanlai ua deisahtah leh thuhil kawmkawm a ka hing silsieng hunte manghil vawt sih uh.
5. Tulai khovela sil suoatha vanzat tuomtuomte a hing tamta a, tam vanzatte kazah siemlou hun in hing nuiyan sih unlen, na naupang lai ua “Nu” bang e? Bang zieh ahie..? chia dohna na bawl thithe lai ua, dawtheitah leh chimitah loukei a ka hing dawnga kang hil dipdep lai bang manghil lou in hing hilchien zel un aw.

6. Ka lungsima a um katahsa in azaw nawnlou hun a, thahat loupi a apoimaw hun a ka vah khiet e... Nna kasep e na hingmu chiengun na banthahat un hing kai in hing panpi zel un. Na neulai ua na lampeithei dinguh deina toh “Pei pei” chia kang na zen a peidan kang na zilsah laite manghil sih un aw.
7. Ka hing upat dungzui in ka hing teeh deudeu a ka ngaituonate zong naupang deudeu ahina ah ipla huoi leh ninhuoi a ka hing umkhah chieng hua in zong hing chimtah sih un. Naupan lam manaw ka hidan hing theisiem un aw.
8. Neh leh dawn nasan ginatah a ka kamsung a tun ma a bosah nengnung a ka um hun in zong hepina leh itna in hing enkawl un aw. Na neulai ua ann na baah thei ma ua, na ann ding uh atuom a huon in ka khut leh sihkeo (Spoon) zang a annkang piehte thei khe zel un aw.
9. Ka poimaw nichiang a bang e ka poimaw man ding sum ka hing nget chiengin “Sum umlou” hing chimohlou in nemtah in aum loudan hing theisiem sah un. Nidang a na poimaw zah ding na hing nget chieng ua kanei sunsun ka hing piehtinten hunte hing manghilsih un aw.
10. Sim thei nawnlou, muchien thei nawnlou, zachien thei nawnlou tan a ka hing damlai leh ka thei nop bang, mu nop bang leh zah nop bang tam ding ahiman in “Thukan” chi’n hing chimtah sih un aw. Ken zong ka na neu lai ua nang thudohte uh ka theina tengteng suo in kangna hil sipsip hi.
11. Zun leh ehh siasah ding khopa ka hingum hun ah zong hing kidah bawl mailou in hepina toh hing kem un aw. Zun leh ehh nangman na kisiathei masang un zun leh ehh na thahna mun uh a kawtna (wet) lamlam ah kei ka lum a, nou ahulna (dry) mun ah nou kang lumsah hi. Khumte manghil het sih un aw.

12. Teeh lungsim naupang bang mai leh a khenchienga lungsim “Koi” nei a phunchieh gige kipah danzong theilou umzel ahiman in tuabang hun chiengin na neulai ua genha mama a na umlai ua, thuohzawna toh ittaha hingkem leh enkawl tu na “Nu” ahi. Tu a nouma banga etkawl ngai maitading akihiman in Tuunnu itna bang itna nei a na hing etkawl uh ka hing ngen masa hi. Bawite...! Ka tawpna din tam Bible chang hing manghil sih un aw. “Tuaziehin miten na tungua abawl dingna dei bangbang un, nou zong mite tungah bawl un” (Mat. 7:12).

.....

JESU THAWKIANA ALUULDAN (IKor. 15:20)

- *Upa Khupsuankham*

Thumapui: Kumchin a iman zel uh i Mangpa Jesu Khrist han a pata a thawkiana thu tukum in zong hing tung zel ding ahina toh “Jesu thawkiana a luul dan” chi tamlou in ka hing tahlanga simtute zousie Mangpa’n hing guolzawlta hen.

1. Jesu thawkiana aluuldan:

- * Billy Graham in “Khrist thawkiana zal in khovel pumpi’n kilam etna hing ing neithei uh khu “thupi” mama hi, achi hi.
- * Khovel miten misiem, mipil, mihausa leh zilna sangte a ngaisang ua, a shi chieng un zong sunna thupitah anei

uchi. Khritiante khu tambang hilou in kingainiem, Jesu thawkiana gingta leh pomtute ihi uhi

- * Emil Bruner in, “Tualeh mihingte adingin Oxygen a poimaw bangin Jesu thawkiana khu hagau leh hinna dingin a poimaw? achi hi.

- * Jesu thawkiana khu hinna leh khantanhoi bulpi ahia, ei gingtute khu ginna suongphum ihi uhi.
 - * Singlamte (cross) ah kithoina bul lam in ahing shi hi.
 - * Han ah zawna bukimte siem in hinna tha a kaithou in aum hi. Bawlsietna chinteng athuoh zou in dangtah ngeingei in ashi a, kumtawn tui hing hing petu ahi.
2. Jesu thawkiana khu gintat mai ding ahi:
- * Jesu thawkiana khu gingta senglou a kanchiet leh hilchet tup sanga gintatsuh mai dia hoi ahi. Joseph in “Leitungah nou a dingin chihatu leh hundampa hi dinga Pasian in angsawl ahi”, achi bangin, Jesu khu thawkiana makaipa asiem in ama gingtate kungah hundamna bulpi ang hita hi. Kalvari leh hanpuo mai a tawp lou in Joseph innpite bangin Khrist leh a thawkiana ah i kitulut ding uhi.
3. Jesu thawkiana a sil poimaw thumte:
- i) George Washington a gam mite'n a pahtawina in, “Father of the Country” chin amin avaw uhi. Tualeh Abraham Lincoln zong “Father of the Nation” chin amin vaw ua, hinanleh hing zing lou in Tangthului asuoh veve hi. Jesu a damlai in, “Migiloute lawmpa” chia gen ahia, athawkia in Pasian in mintungnungpen a pie a, Vanmite'n thupitah in a pahtawi uhi. Suol silbawltheina in nangzou lou in, shina zou in a thoukiata hi.
 - ii) Buchi lei a tu a, ang pou a, tampi'n a gasuo a, Joseph achi gasuo dinga Pasian in atunding bangin, Jesu khu thawmakaipa in asiem a, shina pata hinna tha kibelapna ang suoh hi. Leitung mihing ten hagaulam a hinna tha kibelapna leh Pasian toh kimatna ang suohta hi. Haichi in mihing leh leitung

hoina petu ahi bang in, Jesu khu hinna tha, damtheina leh gasuo theina pe dingin a um hi. Tualeh ama neite kungah hinna tah leh umjie nei a, siemte guolzawlna tuinah ahi. Paul in, “Hin khu Khrist a chia, shi khu punna” achi theina khu ama’n Khrist a hinna tha anei jieh ahi. Hagau in nna asemsah a, aga tampi’n asupungsah hi.

iii) Jesu kaithawna in kilam etna hinna a pie a, zoutan setheilouaneisah a, Pasian leh mihingte kizopna asubukim hi. Kumtawn siempu (Priest builder) ahia, Pasian toh kichimatna leh biehna a hinna ding aneita hi. Eite guolnei siempu Mangpen ihi theina biehna leh nasepna bulpi ahi. Khrist kaithawna in Pasian biehna leh kizopna a poimaw dan genseng sih vai in, a point in tahlatthaw

vai tambang in:
= Pasian “suhloupina” ahi.
= Pasian in loupina “Atangsah” hi.

4. Vansawlthahin Numeite kungah: Mangpa Jesu sui nahi uh ka thei a, ama khu kaithou in aumta a, tammun ah a um nawn sih a, gensa mabang in athoukia ta, alupna mun enmawng vawi uta, va peikia unlen nuazuite leh athei nailoute kunga vahilta un” achi hi (Mathew 28:6-8). Ama pom a anuazui tapou in a loupinate puong in a nna isem ding uhi. Tualeh koizong ama nopsahna mai suitute khu buoi va un, atawp ah amangthai bep ding ua, muol leh tangte kungah, ei netlum un achi ding uhi. Tuachih’n Khrist thawkiana khu hinna in a puontag ding hi.

HATTUOM KHUTTAWI BU SYNOD MANUAL OF WORSHIP

Khiil-1

1.1. Hattuom genchetna

1. MUTHEILOU HATTUOM

Pasian in namchinlai a kipat in kum tamtah sung mipite a huoi khawm a, tuanah Aman a lungsetna leh a pilna kinchingtingah in a hawmzah hi. Tam khu Pasian hingzing Hattuom, Khrist Sapum Hagau siengthou Biehinn leh a mizie suh bukimna khu ahi hi. Tam khu gam chinteng leh kum tamtah a misiengthou sim sengloute kipawlkhawmna ahi, tuajieh in Huopzou Hattuom Siengthou a kichi hi. Tam kipawlkhawmna a mite, mihing lungsim theikhe theipa kung a theisah a um ahi dungzui in tam khu Mutheilou Hattuom zong a kichi hi.

2. MUTHEI HATTUOM

Vannuoi buppi a kipawlkhawmna, Khrist khu a Hundampa a pom a, ama ngei khu ka Mangpa ahi a, Pa, Tapa leh Hagau Siengthou Pasian khat kumtawn a guoljawl a um Pasian ahi chi zousie kipawlkhawmna pawlpi khu Muthei Hattuom a kichi hi.

3. PRESBYTERIAN HATTUOM

Muthei Hattuom a mi kipawlkhawm, Hattuom lom khat Pasian biehnalam, hinkho siengthou leh Khrist Manggam khanletna ding a kikaihuoi a, Presbyterian kivaipuoh daan a kilamkai khu Presbyterian Hattuom a kichi hi.

.....

Z P W F C O L U M N

23rd February to March 23, 2017 tan a

Tunnu Limbel panpina pete

1. PWF Zomi Colony Anntang tang -----Rs. 460
2. Rev. Mangsuanthang, Central Church -----Rs. 500
3. Mrs. Flora Hatnu, UK -----Rs. 28,000
4. C. Vanlalruota, Delhi -----Rs. 2,000
5. Dimneiching, Central Church -----Rs. 500
6. Dimkhanvung, Lailamveng -----Rs. 200
7. P. Chinsuanthang, Light House (Zoveng) -----Rs. 1,000
8. PWF Awncinkap khuo, Anntang Kg 54 & -----Rs. 380
9. Presbyterian Church, Jowai Bieteram Synod ---Rs. 1,000
10. Tv. Lianneithang, Tangpijol (1st pay, electric Dept.) Rs. 17,000
11. T. Chiinneikim, Lailamveng -----Rs. 12,000
12. Ruth Niangkhanching, Tuibuong -----Rs. 2,000
13. ZPWF Pledge card a kimu -----Rs. 33,350
14. Tunnu Limbel tuohkhawm, ZPWF Khompi ----Rs. 75,75
15. Nu Nouhauching, Tangpijol -----Rs. 600
16. Mangkangaiching, Central Church -----Rs. 1,000
17. Nu Hoinu w/o Rev. Mangsuanthang, Central Church-
(i) Chini Kg-1 (ii) Anntang Kg-7
18. Nu Chinghauniang, Central Church-
(i) Naupang puannah-ps. 40. (ii) Toka ps. 21
(iii) Kengkoh- 5
19. Nu T. Vungngainiang, Zomi Colony : Round basket-2

**ZPWF 7th SESSION KHAWMPI 2017
(CENTRAL CHURCH)**

Tunnu Limbel Ginna Thuchiem-19th March, 2017

Tu-le-tu a pete

Min, Khuo/Hattuom -----	Piehza
1. Nu Niangzalam, Tuibuong -----	Rs. 500
2. Suanniang, Tuibuong -----	Rs. 20
3. Janenem, Tuibuong -----	Rs. 50
4. Khupchinthang, Tuibuong -----	Rs. 500
5. Thangsuanlim, Tuibuong -----	Rs. 50
6. Nu Ngaineiting, Tuibuong -----	Rs. 100
7. Nu Mangnian, Tuibuong -----	Rs. 50
8. Lhaizangai, Central Church -----	Rs. 100
9. Nemkhoman, Central Church -----	Rs. 100
10. Ginchin, Central Church -----	Rs. 100
11. Mandeiniang, Central Church -----	Rs. 100
12. Nu Niansuanching, Central Church -----	Rs. 100
13. Chiinlawm, Central Church -----	Rs. 20
14. Nu Chingngainiang, Central Church -----	Rs. 50
15. Goizamuong, Zomi Colony -----	Rs. 100
16. Nu Niangneikim, Zomi Colony -----	Rs. 500
17. Nu Mandeiching, Zomi Colony -----	Rs. 500
18. Chiinzahat, Manniang khuo -----	Rs. 20
19. Pau, Zomi Colony -----	Rs. 50
20. Chiinneihoi, Sugnu -----	Rs. 50
21. Mandeilamkim, Muollum -----	Rs. 20
22. Donkhanching, Tongdam -----	Rs. 100
23. Mangngaichin, Sangaikot -----	Rs. 20
24. T.Manneikim, Thingkangphai -----	Rs. 100

2017 | April | Khristian Tangkou

25.	Nu Nuamhoi, Central Church -----	Rs.	100
26.	Goukhogin, Tuining -----	Rs.	100
27.	Pi Hatngaiching, Tuining -----	Rs.	100
28.	Nu Niangoikim, Khuoinuoii -----	Rs.	100
29.	Lhingkhovah, Zoumunnuaam -----	Rs.	50
30.	Nu Chinglamnuam, Tuibuong -----	Rs.	50
31.	Nu Nemngaichiin, Bohlui -----	Rs.	100
32.	Nu Ngaideiniang, Tuining -----	Rs.	20
33.	Nu Chingzanuaam -----	Rs.	20
34.	Nu Vunghaulian, Muollum -----	Rs.	100
35.	Mannianching -----	Rs.	100
36.	Chingnuam, New Zoveng -----	Rs.	50
37.	Upa H.T Manga, Tuining -----	Rs.	100
38.	Upa Khupsuankham, Central Church -----	Rs.	100
39.	Nu Nuamkhanngai, Muollum -----	Rs.	50
40.	Vungngaiching, Tuibuong -----	Rs.	100
41.	Niankhanching (S), Lailamveng -----	Rs.	100
42.	Nu Lalzarmawi, Tuibuong -----	Rs.	30
43.	Dimneiching, Tuining -----	Rs.	20
44.	Pi Lunzavung, Tuining -----	Rs.	10
45.	Nianngaihmang, Lailamveng -----	Rs.	100
46.	Chingkhanmuong, Muollum -----	Rs.	50
47.	Chinlamching, Tuibuong -----	Rs.	100
48.	Nu Chingneisian, Lailamveng -----	Rs.	200
49.	Vungkhanmang, Zoumunnuaom -----	Rs.	100
50.	Nu Niangmuanching -----	Rs.	50

Aban next issue a sutzop ding....

*** Adih loute Office a suhdih thei zing ahi.*

Petu zousie Mangpa'n hing mapui zing taken!

PATRON MEMBER-TE

1. Upa Gouzamang	2. Pu Hav. Khamchinkhup	3. Pu Khamzalam	4. Pu Chinzasuan
5. Upa Liansuanpau	6. Pu Khamchinthang	7. Pu S.Dalhlang	8. Upa Kapkhanthang
9. Upa Langginmang	10. Upa S. Nangkhanlal	11. Pu S. Lamkhothang	12. Upa Dr. M. Lachinkhai
13. Upa Khamchinjamb	14. (L) Upa D.K.Manlun	15. Upa Suankhanmang	16. (L) Upa Khupgou
17. Upa Chinkham	18. Upa Ngulchinkham	19. (L) Rev. Retd. V.Vungzalian	20. Rev. Retd. Kamkhosoi
21. Rev. Tualzachin	22. Rev.(Rtd.) H. Nengzatun	23. Rev. Awnkhankhup	24. Rev. Hangpi Manlun
25. Pu Tuanzapau	26. (L) Rev. Ginchinjam	27. (L) Rev. Khamzasuan	28. Upa T. Lamkhothawng
29. Upa Khaichinmang	30. Rev. Chinzathang	31. Pu Khupkhanmang	32. Pu Khaidolian
33. Hav. Khamzahang	34. Pi Vungzanum	35. Pu T. Gouzadou	36. Pu Liensuonkap
37. Pi Zelkhoichiin	38. Pi Hatkhanvung	39. (L) Pi Ngaihoiching	40. Pi Mankhannien
41. Pu Goukhanmang	42. Pi Chingzalam	43. Pu S. Thianzakhai	44. Pi Kamkhanching
45. Pu Haukhanpau	46. Pu Tuallianmang	47. (L) Pu Dongkap	48. (L) Pi Chingkhanmang
49. Pi Donkhonian	50. Upa Henzakup	51. (L) Pu Saichinpau	52. Pu Goumang
53. (L) Upa Khamkhanhang	54. Shie Laangkhanlal	55. Pu Khamkhanlun	56. Upa L. Tualkhanpau
57. Upa Jamsiamnung	58. Upa Ginzadong	59. Pu Kaizathang	60. Pi Goizanuom
61. Pi Thangneivah	62. Pu Khamzathang	63. Pi Donchin	64. Upa Liankhanmang
65. Pu Hauchinlun	66. Pu T. S. Lal	67. Pi Goichiin	68. Pu T. Khupchinthang
69. Upa T. Kaizalam	70. Pu Paul Henkholal	71. (L) Pu Soikhram	72. Rev. P.C. Manga
73. Rev. Khamchinkhai	74. Rev. Jamlianpau	75. Rev. Chinzapau	76. Rev. Retd. Kamkhozam
77. (L) Upa Chinpu	78. Pu Zamkhanthang	79. Pu Chinglen	80. Miss Chinhaunieng
81. Upa P. K. Soia	82. Pu Goukhai	83. Pi Niangkhanmang	84. Evan. Retd. G.L. Joshya
85. Pi S. Chingkhanmang	86. (L) Pu Vumchinkhup	87. Upa Khaihenthang	88. Upa T. C. Pau
89. Upa Nengchinkap	90. (L) Upa Jamkhongam	91. Upa HT Manga	92. Mrs. Vahkholring
93. Pu Hauliankap	94. Pi Chinnu	95. Upa Ngulzakhai	96. (L) Upa T. Gougin
97. Pu Ginsuanhau	98. Pu L. Langminthang	99. Rev. David K. Samte	100. Upa T.S.K. Samte
101. Upa S.K. Khama	102. Pu Jamkhopao	103. Pu Thathang Taithul	104. Pu Kamkhankap
105. Bhim Prasad	106. Rev. M. Kapsuanthang	107. Nu Chingneikim	108. Rev. Khupkhansuan
109. Pi Mannuamching	110. Rev. Kaimuanlal	111. Upa Nengkhanlian	112. Nh. Deborah Zou
113. Pu T. Kuppa	114. Rev. Mangsuanthang	115. (L) Pu Lamchinhau	116. Upa Pauchinlel
117. Kimneihoi	118. Pu Kamgenpau	119. Nh. Niangsuanuam	120. Nu Ngaikhanvung
121. P. Sanjiv Zou	122. Upa M. Kaichinkham	123. Upa T. Sianchinpau	124. Upa Sianzahau
125. Pu L. Thenkhosoi	126. Pu Kamsuanhang	127. Upa Th. Kaikhola	128. Upa Lunchinthang
129. P. Tongthang Zou	130. H. Nehzamang	131. Thangsunkhup	132. Upa M. Kamzadou
133. Pu Jamkholian Munluo			

LIFE MEMBER-TE

01. (L) Upa T. Khupkhenpau	02. (L) Pu M. Ginzahau	03. Pu Selzapau
04. Pu L.C. Pautungnung	05. (L) Pi Khamkhannien	06. Pi Ngainuom
07. Pu Chinsuanthang	08. Pu Shanti Kumar	09. Pu Kamkhohau
10. (L) Pu Khamkhanhau	11. Upa Khamzathang	12. Upa Chinkhanthang
13. Pu Tongzathang	14. Pi Chiinneilam	15. Upa Kulthang
16. H/Sm. Upa Kaichinpau	17. Pi Niangzalam	

Rev. (Retd) H. Nengzatun Missionary nasepnate



Handwritten
Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P.O. Box - 48, Manipur, India

e-mail:zpcs@rediffmail.com/zousynod05@gmail.com

Synod Office Telephone No. (03874) 235105

Website: zousynod.org

7a.